



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

Qualem ministrum episcopus iuxta se habere debeat. lxxxviii.

**urn:nbn:de:hbz:466:1-10722**

eum & apostolicum atque ecclesiasticum, cùm dominus Mosidicat: Speculatorem dedi te domui Israël, & audies ex ore meo verbum, & annuncias eis ex me, &c. à com- prouincialibus episcopis, acrius corripiantur.

*Vt episcopi presbyteros suos de ministeriis illorum diligenter discutiant.* Cap. LXXXV.

**P**lacuit nobis atque conuenit, vt episcopi per singulas Ecclesias & dioceses euntes, primùm discutiant clericos, quomodo ordinem baptismi teneant vel missarum, & qualiter quæque officia in Ecclesia peragant. Et si rectè quidem inuenient, Deo gratias: Sin autem minimè, docere debent ignoratos.

*Vt episcopus cum paucis suam parochiam circumeat.* Cap. LXXXVI.

**C**VM episcopus suam diocesim visitat, nulli præ multitudine onerosus existat, nec vñquam quinquagennarium numerum euectionis excedat, aut amplius quam vna die per vnamquamque basilicam remorandi licentiam habeat.

*Si episcopus parochiam suam visitare nequiverit, viros probabilis vitæ pro se mittat.* Cap. LXXXVII.

**Q**UOD si episcopus, aut languore detentus, aut aliis occupationibus implicatus visitationem dioceſeos explore nequiverit, presbyteros probabilis vitæ, aut diaconos mittat, qui redditus basilicarum & reparaciones, & ministrantium vitam inquirant.

*Qualem ministrum episcopus iuxta se habere debet.* Cap. LXXXVIII.

**V**T quisque episcopus tales iuxta se pro viribus habere decertet, qui iuxta syncerissimum & purissimum sensum catholicorum patrum, fide & obseruatione mandatorum Dei, seu & prædicationis doctrina, presbyteros plebiū assiduè instruat & informet, ne domus Dei viui, quæ est Ecclesia, sine lucerna verbi diuini remaneat. Sed & idem talis existat, quem amor pecuniae non vexet, aut reprehensibilis contemptibilem reddat. Hinc est, quod quum Moses querelam in conspectu Dei poneret, non se posse portare tantum onus, quod ei fuerat impostum, audiuit a domino: Congrega mihi LXX. viros de senioribus Israël, quos tu nosti quod senes populi sint ac

D. BVRCHARDI EPIS. VVORMAC.

magistri , & auferam de spiritu tuo , tradamque eis ut sustentent tecum onus populi , & non tu solus graueris . Quid in Mose , nisi summum sacerdotium ? Quid in LX X. viris , nisi presbyteros accipimus ? Quod autem dominus afferit de spiritu Mosi , traditque eis , parenter ostendit , quod hi qui ab episcopo in conspectu Dei vocati sunt , ut secum onus populi sustentent , eadem velle , & in partito sibi onere totis viribus cooperari . Hoc enim significat , quod non alium , sed eiusdem Mosi spiritum accipiunt .

De episcopo ne laicum ponat sibi vicarium .

Cap. LXXXIX.

*Ex cōcil. Braggar. cap. 9.* **N**oua actione didicimus , quosdam ex nostro collegio contra mores ecclesiasticos , laicos habere in rebus diuinis constitutos economos . Proinde pariter tractantes eligimus , ut unusquisque nostrum secundum Chalcedonensium patrum decreta , ex proprio clero econominum sibi constituat . Indecorum est laicum vicarium esse episcopi , & seculares in Ecclesia iudicare . In uno eodemque officio , non debet dispar esse professio . Quod etiam in lege diuina prohibetur , dicente Mose : Non arabis in bove simul & asino , quod est , homines diuersae professionis in officio uno non sociabis . Vnde oportet nos , & diuinis libris & sanctorum patrum obedire præceptis , constituentes , ut hi qui in administrationibus Ecclesiae pontificibus sociantur , discrepare non debeant , nec professione , nec habitu : nec cohærere & coniungi possunt , quibus & studia & vota diuersa sunt . Si quis autem episcopus post hæc ecclesiastica rem ad laicalem procurationem administrandam elegerit , aut sine testimonio economi gubernanda crediderit : verè ut contemptor canonum & fraudator ecclesiasticarum rerum , non solum Christo de rebus pauperum iudicabitur reus , sed etiam & concilio manebit obnoxius .

*Vt in circuitione episcopi omnes , qui sunt in parochiæ singularum matricum , exceptis infirmis , ad synodus eius venire debeant . Cap. XC.*

*Ex cōcil. Rotoma. 13. ca. II.* **C**um episcopus suam diœcesim circuit , archidiaconus vel archipresbyter cum præire debet uno aut duobus diebus per parochias quas visitaturus est . Et plebe con-